

Mageuzi makubwa sekta ya mifugo yaja

HABARI LEO UK 3.

Na Anastazia

Anyimike, Dodoma

WAZIRI wa Mifugo na Uvuvi, Abdallah

Ulega amesema serikali imedhamiria kufanya mageuzi makubwa kwenye sekta ya mifugo ikiwamo kuwa na ranchi ndogo na kutoa fursa za ajira kwa vijana na wanawake.

Alisema pia tangu Rais Samia Suluhu Hassan kufungua nchi kiuwekezaji, kumechochea ongezeko la biashara ya nyama nje ya nchi ambapo tani 12,000 za nyama zenye thamani ya dola za Marekani milioni 51 zimeuzwa ikilinganishwa na mwaka 2020 ziliuzwa tani 1,600.

Ulega alisema hayo jana jijini hapa alipokuwa akizungumza na waandishi wa habari kuhusu ushirikiano wa Wizara hiyo na Chuo cha Kimataifa cha Utafiti wa Mifugo (ILRI)

na maandalizi ya kuelekea Jukwaa la Mifumo ya Chakula Afrika (AGRF 2023) litakalofanyika Septemba 5 hadi 8 jijini Dar es Salaam.

Alisema mkakati uliopo ni kuwa na ranchi za asili 1,000 ili kuchoea ufugaji wenye tija na zitasajiliwa ili kurahisisha uuzaji wa nyama nje ya nchi.

Ulega alisema katika mazungumzo yake na Mkurugenzi wa ILRI yaliyolenga kuchagiza sekta ya mifugo, amempa mambo sita ya kushughulikia ikiwamo kutafakari kwa pamoja namna ya kuwawezesha vijana na wanawake kushiriki kikamilifu katika sekta ya mifugo.

Alisema kuwa tayari serikali imejipanga kuwa na vituo kwa ajili ya vijana kwenye sekta ya mifugo, uvuvi na ujasiriamali kwenye mikoa ya Mwanza, Kagera na Tanga.



Uanzishaji ranchi kuleta mageuzi mifugo

Na Augusta Njoi, DODOMA

Wizara yaweka mikakati kusaidia wenye ulemavu

Na Augusta Njoi, DODOMA

WIZARA ya Maendeleo ya Jamii, Jinsia, Wanawake na Makundi Maalum imejizati katika kuhakikisha inasaidia wanawake hasa wenye ulemavu kupata fursa mbalimbali za kujikwama kiuchumi kwa kupata mikopo kwa ajili ya mitaji ya shughuli za kiuchumi.

Naibu Katibu Mkuu wa Wizara hiyo, Amon Mpanju, alisema hayo jana alipokuwata na kuzungumza na uongozi wa Shirikisho la Vyama vya Wenye Ulemavu Tanzania (SHIVYAWATA) jijini hapa.

WAZIRI wa Mifugo na Uvuvi, Abdallah Ulega, amesema serikali imedhamiria kufanya mageuzi makubwa kwenye sekta ya mifugo ikiwamo kuwa na ranchi ndogo na kutoa fursa za ajira kwa vijana na wanawake. Aidha, amesema tangu Rais Samia Suluhu Hassan kuifungua nchi kiuwekezaji, kumechochea ongezeko la biashara ya nyama nje ya nchi na kwamba tani 12,000 za nyama zenye thamani ya Dola za Marekani milioni 51, zimeuzwa ikilinganishwa na mwaka 2020 ziliuzwa tani 1,600.

Ulega aliyasema hayo jana jijini hapa alipokuwa akizungumza na waandishi wa habari kuhusu ushirikiano wa wizara hiyo na Chuo cha Kimataifa cha Utafiti wa Mifugo (ILRI) na maandalizi ya kuelekea Jukwaa la Mifumo ya Chakula Afrika (AGRF 2023) litakalofanyika Septemba 5 hadi 8, mwaka huu jijini Dar es Salaam.

Waziri Ulega alisema mkakati uliopo ni kuwa na ranchi za asili

1,000 ili kuchochea ufugaji wenye tija na zitasajiliwa ili kurahisisha uuzaji wa nyama nje ya nchi.

Alisema katika mazungumzo yake na Mkurugenzi wa ILRI, amempa mambo sita ya kushughulikia ikiwamo kutafakari kwa pamoja namna ya kuwawezesha vijana na wanawake kushiriki kikamilifu katika sekta ya mifugo na uvuvi.

Alisema wamekuwa na mazungumzo ili kuchagiza sekta ya mifugo ambayo pamoja na kuwa na mifugo mingi lakini bado haifanyi vizuri.

“Tunataka sekta ya mifugo ichangie fedha nyingi za kigeni lakini ni fursa nzuri kwa vijana wetu kushiriki kwenye sekta hii. Hii inatokana na maono ya Rais Samia Suluhu Hassan anayetaka kuona tunafanya kazi ya kuwashirikisha vijana na kinamama kwenye hili eneo,” alisema.

Alibainisha kuwa tayari serikali imejipanga kuwa na vituo kwa ajili ya vijana kwenye sekta ya mifugo, uvuvi na ujasiriamali kwenye mikoa ya Mwanza, Kagera na Tanga. “Kwenye hivyo vituo vya BBT lazima kuzungum-

zia kiteknolojia, kijana anataka kuuza ngombe wake kuwe na APP auze ngombe wake duniani, kama ni ugonjwa unasumbua kijana apate huduma ya mifugo yake kiganjani, kufungua masoko zaidi nje, hawa ILRI wana majibu ya kitaalamu waliyofanyia utafiti kwa muda mrefu,” alisema.

Alisema chuo hicho kina uzoe-fu mwingi, utafiti mwingi uli-ofanyika utakaosaidia sekta hiyo kupiga hatua kwa kuwa inahusisha Watanzania wengi.

“Kwa hiyo tumekubaliana haya yote tufanye pamoja na pia kukabiliana na mabadiliko ya tabianchi, nashukuru hii ILRI Tanzania kwa kuendelea kushirikiana tumejipanga mifugo lazima iingize fedha za kigeni nchini.

“Tunataka kufanya mageuzi makubwa tuondoke kwenye uchungaji wa kiasili na kwenda kumiliki ranchi ndogo ndogo zitakazochochea mageuzi hayo,” alisema.

Kuhusu malisho, alisema kuna zaidi ya mashamba 100 kwenye halmashauri 42 na kusisitiza eneo hilo linahitaji wawekezaji hivyo kupitia jukwaa hilo alitoa

wito kwa wawekezaji kuwekeza.

“Eneo la biashara ya majani tunataka kulipigia kelele sana watu waamini eneo hili nalo ni fursa, lakini pia tunatoa elimu kwa wafugaji kuvuna mifugo ili kuondokana na ufugaji wa asili na changamoto ya malisho,” alisema. Akizungumzia jukwaa la AGRF 2023, Waziri Ulega alishukuru Taasisi ya Kuendeleza Kilimo Afrika (AGRA) ambao ni waandaaji wa kuu wa jukwaa hilo ambalo usajili wa wadau watakaoshiriki unaendelea kwa sasa na mwisho ni Agosti mosi mwaka huu.

“Mkutano huu Watanzania watakapo fursa ya mitaji na masoko, kuna fursa nyingi za wageni watakaokuja nchini. Tanzania ipo tayari kupokea mkutano huu na Tanzania ipo tayari kwa uwekezaji.

“Tunataka kuona vijana na kinamama wananufaika kwa kuzalisha maziwa, biashara ya kuku, tunataka kufanya miradi mikubwa iende hadi kwa akina mama kule vijijini sio kuishi na kuku bali kufanya biashara ya kuku,” alisema.